

晚

晴

移

詩

匯

晚晴移詩匯卷二目錄

高宗純皇帝 五十六首

晚晴簃詩匯卷二

徐世昌

高宗純皇帝

世宗憲皇帝第四子在位六十年建元乾隆內禪尊爲太上皇帝葬裕陵有樂善堂全集御製詩初集二集三

集四集五集餘集

翠雲硯歌

松花江之涯有石質堅色綠磨而爲硯不減端溪爰以翠雲名之而歌以詩

松花江水西北來搖波鼓浪殷其雷波收浪捲灘石出高低列翠如雲堆蜀相八陣此其種江間水流石不動日月臨照晶光華波濤濯洗如璧珙長刀槎枒繩脩蛇刀割繩縛出灘沙他山之石爲之礮甑包車載數千里遠自關東來至此橫理庚庚綠玉簪長方片片清秋水爰命玉人施

好手質堅不受相攻剖磨礪幾許硯乃成貯以檀匣陳左
右龍尾鳳咮且姑置銅雀舊瓦今何有自憙得此迴出羣
錫以嘉名傳不朽

樓松

卽偃蓋松也
見抱朴子

盤山之側雙株松擎空森竦翠色濃落落不改四時色蕭
蕭獨韻三秋風幾年驅車薊州路摩挲古榦不能去高聳
浮圖帶野煙平飛畫棟凌雲霧品題曾記抱朴子樓松鬱
鬱差相似梢振寒聲捲浪濤根蟠巨石疊階凡當時銅雀
已成塵此樓獨占千年春婀娜何曾貯歌舞幽祕或可棲
仙人可憐路旁桃李枝陽和發育爭參差西風搖落無顏
色空令獨樹含清悲安得韋偃寫直榦倩伊圖入鷺溪絹
掛壁涼颼鎮日秋坐卧青雲眄銀漢

古風

羸羸山頭峯忽爲山下道汎汎水中萍倏作原上草何異
人間世夢幻頻顛倒朱墨分貴賤彭殤齊壽夭萬境何縈
心瀟灑舒懷抱池水淡以深一泓秋月皎

暮出城東門見彼耘田者偃僂畦壟間紅日正西下揮汗
立片時薰風散平野指日卜西成籜車賽秋社還憂租稅
重催迫不相假終歲事辛勤農夫獲利寡

黃金鏤爲釵明珠飾爲珥島島瘦腰肢若不勝羅綺佳人
命多蹇嫁與薄情子勸君覓封侯出門求金紫雖去萬里
遙脈脈甘守此朝游花陌間暮宿青樓裏終老迄無成妾
身安所恃

有客天一方遺我尺幅書開緘肅起拜如獲雙明珠還君

以空函非緣友道疏相思在衷曲覩縷不能抒

明月照高樓上有窈窕人秋風冷蕙帶舞袖欲生塵腸斷
望斑騅心灰憶錦鱗疊我鴛鴦被收我芙蓉茵相思隔萬
里羅帳爲誰春

獨樹少嘉蔭兩樹陰扶疎彼此相託藉春風擺葉初龍蔥
森天宇綠影含綺疏雨露豈有私生理頗自殊忽然萎其
一孤立等無徒草木尙如此交情慎莫渝

秋風西北來庭砌涼以清玉魄映疎梧唧唧寒蛩鳴雙星
在河漢新傷離別情誰家砧杵動良人方遠征而我晏然
卧涼颺拂畫楹殘夢迴枕簟吟哦月影明

雉將雛

行行麥隴邊見一雉將雛雛兒纔長成啞啞學母呼

解翅

輒未解飛嘴嫩未能食飲啄與游翔皆賴顧復力二兒兮

依其母母乎愛其兒一朝羽翼全那料南北飛三有童持

長竿捕雛何遽遽老雉雖善飛繞匝不忍去四雛兒頗有

智藏伏荆棘間棘密難採取兒童悵空還五須臾童去遠

老雉還來視母子得全活鼓翼心倍喜六爾童一何忍爾

雉一何慈孰謂天良心人禽乃倒之七觀物可會心撫古

常自鏡今朝忽見此大愧中牟令八

心遠閣秋眺示大學士及南書房翰林等

一指當人前不見泰山高離婁閉目時詎可察秋毫至人

用心鏡萬物不能逃王者明四目智燭良獨操茲閣名心

遠寓意豈在遙結構山之巔俯仰近雲霄况值三秋深天

氣高沈寥葉落萬林疎憑眺心神超伊余有遠思匪戀物

華掾或情有壅蔽或民嗟苦勞或賢當登進轉令在下僚
或時雖小安遽益志氣驕見理有不周愆尤自此招辯言
有未當是非致混淆心遠之謂何豈謂盼荒郊卽事因自
倣此樂非游遨

相馬歌賜來保

伯樂善相馬車下老驥出今豈無其人來保稱第一曩時

有黃海

國朝善相馬者

親授相馬術謂不相其皮亦莫稱其力心

端德自優萬中無一失天閑雲錦羣一顧靡不悉爲余辨
驪黃六飛協安吉此術固云美相人亦可則况茲居八柱
亮采汝所職勉此空冀心佐予敷九德

興京

姬室于幽日炎劉起沛時一人方締造四海遂爲基皇間

猶然在皋門尙可思屏藩堪示固宮室不言卑往者爭雄
際同歸出眾姿秋風經故國膏雨徧新陂父老迎鸞馭材
官衛羽旗初來尤切切欲去更遲遲言念皇圖纘端維厚
德垂凜乎同馭朽告我後人知

乾隆九年十月重葺翰林院落成車駕臨幸賜宴送
大學士掌院事鄂爾泰張廷玉進署以張說東壁
圖書府五律字爲韻賦東字音字二首敕諸臣各
分一字賦詩

撫序權居北占星壁在東斯干歌翰苑於樂園儒風改殿
當年異登瀛此日同三台司道筦二老亮天功樂具卿雲
奏筵開湛露融底希光舊史長此贊微躬

木天臨翠輦駕侶集華簪廣學心常切因文道可尋橫汾

陰豈昔來泮水猶今禮樂於焉盛觥罍取次斟詩慙得珍
字辭喜獻官箴反響重城暮猶聞歌誦音

李慎修奏對勸勿以詩爲能甚難其言而結習未忘
焉因題以誌吾過

慎修勸我莫爲詩我亦知詩可不爲但是幾餘清宴際卻
將何事遣閒時

謹案李慎修字思永山東章邱人乾隆十年自江南
驛鹽道授江西道御史嘗諫高宗勿以詩爲能恐
摘翰有妨政治高宗召入見曰是何渺小丈夫乃
能直言若此慎修對曰臣面陋而心謏高宗爲之
大笑

檢近藁偶誌

少小學爲文韓蘇有卓型別裁及詩格李杜眞前旌立言
人所志見道羌孰能自讀宋儒書始知朱與程詔我爲學

方主敬與存誠空言信何補要道在躬行矧茲繼百王君
師任匪輕衡門有遺賢安能致諸廷溝壑有餓殍安能飽
以羹返己率多慙佳文何足稱有時雨未降披衣宵立庭
既霑或苦潦踟躕復望晴黍高稻宜低夏耘春勤耕望杏
杏未紅瞻蒲蒲已青織婦慮寒心農夫望歲情茅檐艱苦
狀彷彿常共賡結習難盡除聊如勞者鳴工拙非所論歲
月差可徵詩史讓少陵我方作農經

玉甕歌

玉有白章隨其形刻爲魚獸出沒於波濤之
狀大可貯酒三十餘石蓋金元舊物也曾置
萬壽山廣寒殿內後在西華門外真武廟中道人
作菜甕見輟耕錄及金鼈退食筆記命以千金易
之仍置承光殿
中而繫以詩

昔夏有德聲教訖九牧貢金來魏闕鑄鼎象物備神姦山
澤徧逮遺海物化工爲鑒敷土心藍田日暎露山骨工倕

縮手不敢斲乃借剛斧來月窟含形內虛象海德葆苞元
氣洞芒芴駭波沓漉迴迤涎驚瀾灩潏涌瀨汨習坎有孚
坤厚載魄洲朝夕輪出沒浮黍幾粒見三山泰華安能詡
昂屹何奇不有怪不儲湯湯溇溇鬱呵嗽駕山之鼇橫海
鯨天吳罔象紛悅欵元嶠紫貝朱鼈鼈肥遺螭螭螭蜺蜺
赤龍焚蘊修黿浮蒼蚪捷鰭海馬突魴魴魴魴魴魴魴
鰭魴魴魴魴魴珊瑚瑁鮫人珠孕珍產瑰宏泱鬱用協
上下承天庥重逾九鼎光朝黻千秋法物昭靈奇歆雲吐
景鎮溟渤匪同器寶乃待人方周大訓楚檣杙瓊辟繡簋
吁奇溜商彝晉鐸埋蓬蔚瓊島春陰元萬壽山金萬景全
廣寒高殿青雲拂倒茄下垂紅狎獵沈香橫泥入聲氣蓬勃
從臣敬獻南山頌樽擬白獸頌章載存亡蜃市閱荆凡谷

陵秦項紛遺仡金露秋風憶桂香

金露亭在廣寒殿前見輟耕錄悽傍山

人煨榾柮五陵年少重金刀誰從蘭若尋荒碣惜乎古器

就湮滅有如獻璧連遭刖刮苔滌垢露光晶天然豈用施

廟廟波臣水族羣躩踞夏冢秦丁難撓扣承光相望接堆

雲

承光殿在萬壽山南隔一水橋曰堆雲金元舊址惟此存耳

人有懷歸物豈不信哉

安得如汝壽漢京銅仙應愧艷

御史有以沙汰僧道爲請者朕謂沙汰何難卽盡去

之不過一旨之頒天下有不奉行者乎但今之僧

道實不比昔日之橫恣有賴於儒氏辭而闕之蓋

彼教已式微矣且藉以養流民分田授井之制旣

不可行將此數十百萬無衣無食游手好閒之人

置之何處耶故特爲詩以見意

頽波日下詎能迴二氏於今亦可哀何必關邪猶泥古留
資畫景與詩材

平原

驅車渡平原因作平原行平原公子喜賓客一時豪士列
坐盈美人笑蹙者請頭太不情造門自謝客復至至今難
論僞與誠所幸毛遂一脫穎頃刻辨論從約成當時齊楚
魏公子皆云好士略可評脫秦得濟於狗盜亂楚不斷於
朱英如姬竊符奪晉鄙危計密定亥與嬴客不過如此主
亦奚足稱嗚呼戰國尙譎詐其眞賢者惟應隱跡衡門耕

阿玉錫歌

阿玉錫者伊何人準噶爾屬司牧臣其法獲罪應剉臂何
不卽斬犯厥尊徒步萬里來向化育之塞外

人聞

謹案乾隆中師定西陲禽達瓦齊討阿睦爾撒納誅霍集占為三大役師武臣力奮勇效忠高宗每見於詩茲最錄阿玉錫歌以下七篇皆以偏裨名在奎壁其人其事足與清史相應至若雙烈雙義及凡名位較高功績炳著者篇什既繁皆不備登

舒布圖鎧巴圖魯奇徹布歌

千人萬人敵昔有亦惟能將資眾力一人奮勇敵二千昔未前聞今始出其人曰惟奇徹布向為侍衛備宿直去歲從軍監包沁包沁之人乃通賊厄魯特呼敵為包包沁其宰桑阿克諸爾率眾二千餘人來附逆賊阿睦爾撒納之亂包沁煽動闌出卡倫為官軍所殲來圍其帳欲肆害奇徹布曾無懼色徐腰囊鞬手弓箭出帳跨馬聲霹靂蟻聚叫謹羣近前應弦馥倒賊辟易辟易復前恃其眾長槍火銃競相逼奇徹布且戰且走得一柳林為障

翼賊人圍之凡數重恐自傷無施銳隙持槍人亦弗敢進
進被箭死屍橫牖二千人各二千心一人氣奪二千魄侵
尋天暮眾西奔奇徹布歸奏殊績賜金賜爵酬勤勞復請
從師肯宴息舒布圖鎧巴圖魯神勇之名汝應得荆軻孟
賁匹夫豪日月燭火光應熄我歌嘉爾豈徒然勗我八旗
永爲式

三巴圖魯歌

巴圖魯者勇冠軍昔我旗人頗恆有近世以來殊不聞蓋
因太平日已久歲寒松柏見後凋當春何以殊榆柳邇者
西鄙屬用軍折衝咸欲効奔走舒布圖鎧已超羣三巴圖
魯亦赳赳其一額納伸去歲伊犁從將軍將軍使彼詢事
因單騎逕入眾賊羣左支右屈箭斃數人知事不濟拔刀

自刎期報君其一巴寧阿

讀作麻韻

倉卒亂時將軍前後護衛

相蔽遮發無不中中無不死殺人如麻將軍遣之出巴寧

阿曰朝廷命官偷生安往耶力敵視將軍盡節然後伏劍

義烈眞堪嘉二人旣死還復甦宰桑巴礫得之壯其志養

之數月我師再入方得歸軍牙其一曰富錫爾將軍命之

攜印以出歸帝里其奈賊人擁蜂更屯蟻料不能出將印

沈之水力戰受創命垂盡伊犁喇嘛救之得不死故賜額

納仲曰卓禮克圖巴圖魯卓禮克圖者節義卓爾永不渝

賜巴寧阿曰昆都爾巴圖魯昆都爾者力敵萬人暇有餘

賜富錫爾曰哈布台巴圖魯哈布台者穿楊貫石技不殊

迴思去歲迅功成亡矢遺鏃夫何曾不期小醜逆志萌未

能除蔓我二卿乃致沙場雙捐生亦我坐謀遙未精嘉我

遐壤止戈和眾吾方悅

博羅齊行

博羅齊者鄰和闡賊回據險偵我軍先是圍解黑水困元
戎遣救掄二臣去冬將軍兆惠兵偪葉爾奇木特勇徑渡
柵黑水之地相持果月小和卓木乘間遣賊黨往圍和闡
六城已失其三逮副將軍富德統兵應援與兆惠夾擊破
賊圍解之後兆惠與諸將集議遣副都統瑚一爲瑚爾起
爾起及巴圖濟爾哈爾率偏師馳救和闡
吉林舊族世受恩一巴圖濟爾哈爾乃厄魯特宰桑其勇
誠超羣同心協力速赴援率軍數不能盈千途歷戈壁不
毛之地負甲步進無俄延哈拉哈什已垂陷齊凌札布馳
來言夜急行至伊立齊時賊望風先逃奔集兵拯哈拉哈
什賴天大霧彌漫漫乘霧直搗賊營後伺怠奮勇攻中堅
斬將搴旗獲輜重孤城恢復餘俱安昔辭延陀繪神能致

雪冀困李勣終乃自敝焉此霧或亦敵鮮荅西域習咒術者能禁制作使風雲雨雪霜霧名爲鮮荅翻爲我用成功全易云天所助者順向猶未信今信然持盈知足感帝佑敢肆志詡能開邊

墨爾根巴圖魯瑪瑞斫陣歌

乙亥以來有事戎賴我眾力成膚功重賞之下多勇士捨身圖報羣輸忠舒布圖鎧寶巨擘三巴圖魯繼厥蹤見丙子集

中後乃不可屈指數就中瑪瑞尤稱雄經卅餘戰皆首出

擐旗斬將誰爭鋒鐵騎憑陵諸鄂拓準夷部落名肅清伊犁揚

英風今春我軍急進援富德率師如羆熊瑪瑞命領塗路

首蒙古語先鋒探信者呼爾璜處賊迎攻堂堂之陣賊辟易瑞乃獨

進躡寇窮金鞭連策大宛馬繡螯不用用雕弓一箭正中

賊要害再箭倉卒乃落空三箭終殪賊墮馬忽忘深入賊

隊中蜂屯蟻雜齊擁簇瑞之馬斃倒沙蓬捨馬步戰短兵
接叱咤凌厲氣如虹我軍隨進瑞乃出檢傷十處中聲其
躬以帛裹傷明復戰義膽自有神忻懽花門降胡咋舌歎
如此超勇聞何從將軍一一據實奏不奇其勇憐其衷設
非立志忠且壯安能效命功名崇馳驛令歸不可再嫖姚
賜第今堪同席前備陳隕涕聽厚賚覺未酬勲庸仍歸禁
旅領宿衛命爲護軍統領若無曩勩撫謙冲古來歸奏未央殿卻
聞天子不召見

固濟爾巴圖魯璦綽爾圖盡節詩

璦綽爾圖者索倫侍衛員曾以血戰功因賜號旌賢璦綽
於乾隆二十一年冬隨大兵進剿阿睦爾撒納與哈薩克力戰有功特賜是號固濟爾何謂敢勇
能摧堅亦云其勇耳大節乃炳然兆惠定回城哈爾驛章

一一宣云有瑪穆特被回虜去年其人厄魯特隨軍廝役

焉將軍遣偵騎彼亦隨往旃

時將軍遣散秩大臣達什策楞及喇綽爾圖莫寧察岱屯

等率兵百人前行抵生口

忽被賊回遮眾寡敵實難矢盡

守空屋奮突揮以拳莫寧察戰役岱屯命亦捐璫綽爾圖

在傷重飲劍艱猝被生縛去至霍集占前卓立唾賊罵裂

背髮衝冠巴圖魯侍衛豈懼爾狂獬天兵今少至數萬繼

進連以千敵爾萬汝滅踵不旋霍集占乃怒持刀向頸刺

其達什策凌同時遭繫牽霍集占忿詈爾厄魯特人

叶脣

齒應相依何受中國官鐵鉤鉤四肢其死最可憐是皆所

親見飾語敢取愆徒以無足數旦夕命苟延渠逃定回城

乃復得見天兆惠聞此語既悅繼涕漣悅以我有人涕以

已所遣

叶

據實歷詳陳痛淚不忍看心與帥臣同恩加甯

老雀含蟲歸故枝羣雛待哺意堪悲觀圖不覺生憐惻合
共思哉良有司向會募宋李迪雞雛待飼圖并題句以喻
牧之吏茲覽王裁祥此圖老雀歸飛含蟲欲飼雛者色喜
迎承恐後一段殷情神貌欲活與李迪待飼之意同而予
繫矩之志觸目卽雇民艱雖新正下詔展賑加恩行之五
十餘年猶未能戶慶盈甯水旱常有彼向隅者豈盡免腹
枵之嘆哉仍命摹泐以示良有司俾各發天良勉與我共治者

射生手

中國語及蒙古語皆謂之默爾根選善馳能命中者爲之圍中射中獸則命若輩隨蹤獲取

射生手射生手諸部人中無不有掄其精者侍兩傍御弧
中獸隨獲取射生手數近百挾弓抨矢舒雙翼百人中必
有一中中則都稱射生得千二百騎圍如輪驅來悉率宴
一人百射那能必百中弗中羣慙中羣頌詰戎示度以己
先奚啻十目之所觀一節亦識爲君難

懷舊詩

龍翰福先生

今古既殊宜其教亦異施古方教數年今爲出閣時憶半舞勺歲

皇考掄賢師卽從師授經詎惟習少儀循循旣善誘嚴若秋霜披背誦自幼敏匪曰詡徇齊日課每速畢師留爲之辭以此倍多讀胥益平生資誰知童時怨翻引老日悲不失赤子心能無繼繼思嗚呼於先生吾得學之基

可亭朱先生

皇考選朝臣授業我兄弟四人胥宿儒徐

元夢

朱及張

延玉稽

曾筠

設席懋勤殿命行拜師禮其三時去來可亭則恆矣

時已熟經文每爲闡經旨漢則稱賈董宋惟宗五子恆云不在言惟在行而已如坐春風中十三年迅耳先生抱病

深命興親往視未肯竟拖紳迎謁仍鞠膾始終弗踰敬啟
手何殊爾嗚呼於先生吾得學之體

聞之蔡先生

先生長鰲峯陶淑學者眾奉命訓吾曹風吟而月弄雖未
預懋勤八載寒暑共常云三不朽德功言並重叶立言亦
豈易昌黎語堪誦氣乃欲其盛理乃欲其洞是實爲學方
虛車徒駕叶因以書諸紳未敢妄操縱德功吾何有言
則企該綜嗚呼於先生吾得學之用

故大學士鄂爾泰

業師祇三人其三情向剖謂徐張嵇見

皇考重英賢率命書房走鄂蔣錫廷以閣臣蔡珏法海列卿

九胡照顧天成劉統梁詩任啟邵基戴瀚來先後其時學亦

成云師而實友不足當絳帷姓名茲舉偶鄂其中巨擘內
外勤宣久初政命總理顧問備左右具瞻鎮百寮將美惠
九有好惡略失尙性陽陰則否遵詔命配享旌善垂不朽

故大學士張廷玉

風度如九齡祿位兼韋平承家有厚德際主爲名卿不茹
還不吐旣哲亦旣明述旨信無二萬言頃刻成繕

皇祖實錄記注能盡誠以此蒙恩眷顧命配享行及予之
蒞政倚任原非輕時時有贊襄休哉國之楨懸車迴故里
乞言定後榮斯乃不吾信此念豈宜萌臧武仲以防要君
聖所評薄懲理固當以示臣道貞後原與配享遺訓敢或
更求享彼過昭仍享吾意精斯人而有知猶應感九京

故大學士一等忠勇公傅恆

世臣亦近戚丹誠素所信命之習政事幹材亦日進金川
往經略旌旗改觀奮然其時其勢未宜深入迅即卡旣怖
讐特許歸降順凱旋贊黃閣章服三錫晉西師兩用兵同
心卻眾論坐謀無不協用藏大功建其後征緬甸力請往
抒盡猛拱旣收服官屯近圍困祇以水土劣兵役多病頓
值彼悔罪請爰撤師旅振然因受瘴深兼悔墮功閤遂以
永辭世飾終典空繼嗟我社稷臣所期甯在近年少長於
余騎箕惜且恨

故大學士來保

初供批本職後充侍衛護弓矢固所習懃勤更其素止進
恒有常不失尺寸處游陞掌內府亦久蒙恩遇因命長部
曹旋贊絲綸布更踐旣已深老成遂獨許叶雖無赫赫名

卻有休休度讀書通大義萬石猶後步

故大學士劉統勳

從來舉大事要欲眾志定小利亦何慶小失亦何病阿逆之初叛眾論已紛競統勳督陝甘儲需任所勝欲棄巴里坤是殆亂軍令治罪易廷桂並令隨軍進五年大功成釋罪重從政賞罰寓經權順應自取聽十餘年黃閣總兼部務仍叶遇事既神敏秉性原剛勁進者無私感退者安其命得古大臣風終身不失正

故協辦大學士一等武毅謀勇公兆惠

西師歷五年準回兩進討兩討凡兩阻兆惠皆經了而皆安然出蕨功荷大造設非忠誠篤加以勇略昭焉能合眾志成城錫箔保蒙古語錫箔者即岩堡之謂也耆定贊絲綸章服元勳表

長予纔三年何不同予老

故戶部尙書一等果毅公阿里袞

昨歲秋之仲盛京謁陵園三大功臣墓陪葬其間存

額亦

揚古利費英東並以開國佐運動臣陪葬於福陵昭陵之間茲阿里袞者額都四世

孫之額亦都急呼勇豈匹其祖忠實一例肫兆惠阻黑水回

眾如蜂屯爾時舒赫德統兵速入援又被狂且阻進退至

兩難適值阿里袞送馬繼進遄率兵亦弗多乘夜賊營掀

賊駭自天降鹿埵羣逃奔兩軍俱善歸重進鴻功全後復

往征緬受瘁惜隕身一再忘軀勞思之輒淚捫幸而子善

繼子豐昇額授副將軍征金川奮勇奏績以其克紹祖風於公爵加繼勇二字凱旋復加一等子世爵乃未幾以

病沒益金川建殊勳凱旋以病終悲惜何忍言

故雲貴總督將軍一等誠嘉毅勇公明瑞

凡經百餘戰戰必先眾軍不謂世冑家而有如此人讀書知大義挽勁鮮與倫短身既精悍謀略兼出羣功難俛指數嘉賚匪因親征緬次孟腊獨入克捷頻恨遇忌功者逍遙河上陳力戰絕後繼終焉捐其身於爾無悔怨於我增悲辛不須讀杜牧謂過趙使君

故大學士舒赫德

遇順饒有智逢艱或失算究以從政久經事實明練屢罷屢復用中心惜英彥踐歷更老成遂掌絲綸渙西師頻建功然職在參贊土爾扈歸順經理實妥善叶六日靖臨清則信資偉幹燮理原未久勦伐誠可按懷舊不能忘悽然一染翰

故四川提督三等威信公岳鍾琪

三朝師武臣鍾琪爲巨擘車騎伐準夷實其算之失設誓
誘張熙忠誠天鑒赤家居十餘年命董金川役單騎入賊
寨大義示順逆勇而且有謀羣番讐辟易受降遂凱旋寶
亦資宣力所見綠營多鮮或踵其跡卓有古將風書勳太
常冊

故大學士梁詩正

未可甘盤倫祇宜顏般等信稱館閣才句每有清警踐更
旣已深遂亦絲綸領一夜無病逝入閣寶未永持身恪且
勤居家儉而省內廷行走久交接一以屏不似張照揮霍
故率稱其冷翻以是嘉之吾豈蔽近倖

故刑部尙書張照

書有米之雄而無米之略復有董之整而無董之弱義之

後一人舍照誰能若卽今觀其蹟宛似成於昨精神貫注
深非人所可學三朝直內庭受恩早且渥其詩喜談禪
學蘇太相去聲著以苗疆獲罪意實別有託平苗事旣久復
用仍遷擢性敏才本高未免失行薄使其生前明標榜必
致錯本朝無所施小哉張與鄂

故吏部尙書汪由敦

由敦亦工書用功過於照而實不能及則以天分料古學
實勝之雅正弗輕掉任職本謹愿書諭夙夜效乃以師生
誼獲罪自所召不可聽其然小懲大戒劭然亦旋重擢改
過斯堪教飾終仍加恩善善欲長導

故刑部尙書銜原刑部侍郎錢陳羣

少年困場屋賢母授之經故學有淵源於詩尤粹精經濟

雖非卓不失爲老成以疾賜懸車還鄉信循名相傳嘉興有還鄉河
故其地仕宦多歸老
者吾於陳羣益信迎鑾三於浙祝釐兩入京倡和稱最
多頌中規亦行林下惟恂謹文外無他營優游登大耋生
賢沒亦榮

故禮部尙書銜原侍郎沈德潛

東南稱二老曰錢沈則繼並以受恩眷嘉話藝林志而實
有優劣沈踏錢爲粹錢已見前詠茲特言沈事其選國朝
詩說項乖大義制序正厥失然亦無呵厲仍予節終恩原
無責備意昨秋徐述夔案發潛乃爲傳記忘國庇逆臣其罪
實不細用是追前恩削奪從公議彼豈魏徵比仆碑復何
日叶蓋因耄而荒未免圖小利設曰有心爲吾知其未必
叶其子非已出紉袴甘廢棄孫至十四人而皆無書味天

網有明報地下應深愧可惜徒工詩行闕信何濟

故大學士陝甘總督三等忠勤伯黃廷桂

西陲用兵時軍需信要務統勳既罷斥特用就熟路擘畫
實盡勞諸事皆弗誤而以民爲重從不加征賦遇災仍賑
恤入告直陳故可比主吏蕭關中勤供輸以此論功勳章
服錫異數爲政頗尙嚴赫赫名久著然而公無私任勞任
怨素兩朝所造就似此誠罕遇

故大學士前兩江總督尹繼善

入旗讀書人假藉詞林授然以染漢習率多忘世舊問以
弓馬事曰我讀書秀及至問文章曰我旗人胄兩歧失進
退故鮮大成就自開國至今任事奏績茂若輩一二耳其
餘率貿貿繼善爲巨擘亦賴訓迪誘八年至總督異數誰

能遵政事既明練情性復溫厚所至皆妥貼自是福量輳
能詩略如白倡和亦頗富獨愛馳驛喻南巡時於山水名勝略涉游覽從不
留戀尹繼善竊比於馳驛觀山嘉其深合余寓知寓意不
意於物而不留意於物之義向每賦詩及之
留

故大學士兼江南河道總督高斌

本朝善治河靳輔齊蘇勒斌實可比靳弗徒保工急至其
於齊也有過無不及惟是閉三壩自信過於力下河曾受
福異漲害亦迫用此抵以罪勸懲國之則然終諒其心與
祠復原職壬午復南巡清口親定式預拆東西壩頻年已
受益昨秋黃河決洪湖漲因逼無已徐啟壩未至衝潰棘
使斌而有知應歎初未識

故直隸總督方觀承

以書記起用古有今則無有之祇一人曰惟觀承夫夙稱
習政事銓曹尤著譽出而爲監司游陞撫與督叶在直二
十年勤幹實有餘永定籌補苴艱爲永逸圖然僅能如此
誠亦蒿目予徒以蒞任久稍與姑息俱未至大狼藉何必
吹求吾成全良已多詎非佳事乎

故大學士兼兩江總督高晉

從來擢督撫德才量並重以此下僚中百不一二中自知
縣起者臻斯必超眾晉也實其人故悉下情洞更兼習河
務要任人倚用乃以治河決來豫屢稽功叶憤懣因致疾
不起誠堪痛厯厯懷舊臣中外資經綜而予未歇肩顙後
期與共

謹案 高宗禮遇臣工選大臣之喪輒賜輓詩感舊
之什蓋於諸舊臣中擇其尤者始著於篇師傅稱先

生字而不名尤致敬禮詩作於乾隆四十四年其時尙存者均不之及

彈汗行

路經彈汗州

懷柔縣貞觀二十二年建彈汗州

因作彈汗行自昔蒙古長

原有汗之稱長城以北東西互各據部落雄相爭文皇欲彈壓若輩邊州因以此額勒巖城而何四夷君長上尊號旣笑卻之後乃賜書四夷遂用可汗名彈汗行漫言唐事試言我皇清四十九旗爲舊屬久去汗號惟以王公帶礪百世榮四喀爾喀實後附仍其汗號乃我

皇祖沛恩宏朕雖不德定準部亦存其汗號都爾伯特至今世錄其孫曾其餘自作孽覆祀非我黷武逞佳兵最後土爾扈特自歸順仍其汗號無庸更彈汗行何須彈壓惟廬懷柔情各部入覲循茲以入京億萬斯年受恩保土與

國享昇平

憶舊

適作彈汗行因之憶舊事舊事曰惟平準部視其部落置
汗四都爾伯特始終順至今奕葉受恩賜綽羅斯部及輝
特實叛逆殲無遺類其中略涉疑似者曰沙克都爾曼濟
諸厄魯特作亂時彼原攜眾向內避游牧巴爾坤左近以
示其心無異志其時雅爾哈善者參贊駐彼董厥事乃稱
曼濟懷狡謀率兵夜襲乘其寐鼉鼉齟齬不一留水爲之
赤地爲瘁爾時奏到事已成厄魯罪盈亦自致其後命雅
爾哈善庫車進兵平回地乃以失律正軍法至今思之天
道示項羽坑降二十萬此其十分之三及叶火炎崑岡玉
石焚肩侯佚德戒天吏用人之失吾豈辭吁嗟用兵誠可

畏

謹案高宗御製詩五集都四百三十四卷四萬一
千八百首登極前爲樂善堂集歸政後入餘集又全
韻詩八首明園詩集外別行皆不在此數篇章繁富自
來詩家專集未之能逮賦詩好與詞臣商榷嘗以覺
生寺大鐘歌示沈德潛有句云道衍儼拜榮將命德
潛校進政將爲國博高宗謂用黃帝鑄鐘人事字乃
非誤因言載籍極博有朕知汝不知者亦有汝知朕
不知者悉心校正無用嫌避又每出詩稿令儒臣注
釋塞上雨獵詩用製字眾皆莫曉高宗笑曰卿等
尙未盡讀左傳耶蓋用陳成子杖製事製謂雨衣也
詩中多及民事每歲禱雨祈晴及諸直省奏報水旱
遇事見於吟詠已未正月二日有望捷之作遂爲絕
筆民生在宥情見乎辭正初終靡異也

晚晴移詩匯卷二終

晚晴移詩匯卷三目錄

仁宗睿皇帝 十五首

宣宗成皇帝 十七首

文宗顯皇帝 五首

穆宗毅皇帝 六首

德宗景皇帝 十八首

晚晴籀詩匯卷三

徐世昌

仁宗睿皇帝

高宗純皇帝第十五子在位二十五年建元嘉慶葬昌陵
有味餘書室全集御製詩初集二集三集嗣統述聖
詩全史詩

含碧堂自警

眾緣被陳根含生遂長養孳蕃沐和甘清幽輝萬象遲日
照瓊窗融融喜明朗暝氣几席盈陽和滿方丈習靜束身
心曷敢片時放我鏡燭虛靈物煙任勞攘九宇盡含宏居
高慎瞻仰

謹案乾隆中葉以後每命大臣專司詩橐召對宣示
退而繕進謂之詩片 仁宗嗣統和珅薦侍郎吳省

蘭司其事欲藉以規意指仁宗察知之吟詠中絕
不稍露圭角也及既親政幾暇賦詩禁籞苑園即景
遣懷晴雨水旱必舉以自儆一循高宗遺
軌諸詩十有七八皆高宗集中舊題也

池上散步

清和初應候百卉喜全開問竹沿籬角聽泉過澗隈留春
縈岸草延潤疊庭苔長養功方始青陽厚澤培

讀史記三皇五帝本紀

帝舜有虞氏

惟聖能識聖升聞畎畝通重華協于帝上日遂受終溫恭
益濬哲明目兼達聰四罪天下服敷言試以功奮庸諧治
理亮采咨百工精一括典要執兩而用中愧承大寶命兢
業凜渺躬言述心敬慕景仰五帝隆

讀尚書

禹貢

唐虞聖治隆有夏承神禹山川既攸分則壤別九土成賦
因地生作貢非妄取敬德先臣民要荒聲教普大清中外
同幅員倍上古君臨實艱哉殫思御寰宇

說命上

思道每弗言臣下艱稟令薄德恐負先四方望表正淵默
寸心純宥密存恭敬夢帝賚大賢旁求果見聖朝夕納嘉
猷啟沃協理性匡辟康兆民遐邇承休命

詠左傳

臧儋伯諫觀魚

蒐狩誠大猷農隙講兵事如棠陳魚觀略地辭實僞儋伯
進讜言古制論精義巡行必以時禽荒爲政累本朝闢木

蘭秋獮習武備經旬試三驅境不礙種植家法永欽依詰
戎豈游戲敬告我後人慎勿惑浮議

齊魯長勺之戰

齊魯屢構兵羣黎嗟何罪乾時役初休背盟尋吝悔曹劌
有深謀臨敵三鼓待用柔消彼剛避銳擊其怠盈竭迭遷
移知止自不殆戰勝斯一端蒞政至理在

讀通鑑紀事本末

高帝滅楚

失鹿嗟暴秦爭逐惟漢楚漢興楚淪亡要論無煩語知人
不知人劉項成敗舉入關先得民三傑寄心膂大度納善
言勞心歷險阻項籍匹夫雄搏戰力能禦驕慢輕哲賢一
增時齟齬信謂婦人仁了然若觀炬

東京黨錮

竇梁固宜誅失與宦官議幸除外戚家權歸中常侍封賞
定策功太阿嗟傾墜清濁難合流正邪不同類三君俊顧
廚標榜受牽累鉤黨冤獄興殘暴逞無忌善人盡淪亡邦
國必殄瘁何進益平庸無謀委利器誅惡勿遲疑一吏可
了事奚用召外兵大憝乘機至閹人雖芟夷漢祚隨毀棄
桓靈召禍端昏愚隕厥位

諸葛亮出師

征北先定南志在滅曹氏縛渠七縱擒耽延無是理復漢
竭忠貞三顧重任委誅謾軍令申引咎首責已流馬及木
牛制器濟窮耳盡力功難成天絕炎劉紀哀哉五丈原時
勢皆極否史論短智謀見淺肆譏毀

貞觀君臣論治

正統屢更易遭厄如沸湯上天降英主戡亂定四方偃武
脩文德納諫大度彰規模實宏遠治具咸畢張不以詐謀
用濁流源豈長洵爲得政要君作臣之綱賜絹保勳舊齡
達勝漢皇因弓悟治理情變難盡詳偏信受欺蔽兼聽日
熾昌封建非善政百藥言實臧獄訟關民命稍忽罹咎殃
集思庶廣益虛公辨姦良卓識止封禪戒盈刻不遑貞觀
誠令辟後嗣嗟內荒

宋孝宗之立

紹興墜大綱無嗣昭天理封瑗慰眾情獎譽太溢美承歡
德壽宮尊養極隆軌定省雖弗違侍親小節耳旣承社稷
艱當思振國紀仍懷偏安圖蒙業益委靡河北久陸沈未

能尺寸徒繼統固本根達孝原在此

明太祖平定東南

膺圖撫寰區心與凡儕異命將定東南先戒毋縱恣劫掠
盜賊爲救拯開創事傳檄得江惟勸農脩水利克敵維武
功安民用仁義二語誠要言理足辭簡易招賢首劉基論
道孚素志規模已敷宣張陳實閏位

建文遜國

燕藩兵禍因太祖計謀誤既有英雄兒弱孫豈可付北師
抵南京獻門景隆附火起疑自焚遜國實無據爲僧說荒
唐駐錫竟何處欲掩篡弑名流言任傳布

甲申鼎革

明亡由內豎酷信難變更甲申春三月流賊圍北京我輩

富貴在開門納自成莊烈殉社稷國亡名不傾狐兔據宮
闕三桂請義兵一鼓滅羣賊定鼎拯蒼生得天下最正孰
能同大清凜承百王後讀史思持盈古事寸心鑑取法擇
善行百篇詠幾暇自警非自鳴繼統仔肩重宵旰疊敬誠
日強勉不息惕若望治平

謹案全史詩亦數高宗全韻詩而作全韻詩各體
略備全史詩則純作五言古凡讀史記三皇五帝本
紀八篇讀尚書五十八篇詠左傳讀通鑑紀事本末
各百篇福建巡撫張師誠爲之箋釋衍爲六十四卷
前三種稱注後一種稱疏以別於自注也

宣宗成皇帝

仁宗睿皇帝第二子在位三十年建元道光葬慕陵有養

正書屋詩文全集御製詩初集餘集巡幸盛京詩

五賢詠

管仲

齊桓正不譎鮑叔薦士公一言爲知己任用卽聽從射鉤
置弗問大度何冲冲夷吾竭才力五霸論稱雄親暱不可
棄宴安患無窮片言得其要政治昭齊東菁茅貢不至成
周祭不共伐楚責大義問罪宜興戎脩禮受方物強弱國
皆同五命推盟主贊襄德化充平戎承寵命執禮何其恭
賢哉管氏子世祀勛庸

范武子

同罪故同奔非慕先蔑義宣子爲國謀諸浮集眾議躡足
隱端倪要誓神其智超哉繞朝鞭洞悉真與僞袞職竭贊
襄進諫存深意生民仁者心分謗察友誼王命一何尊黻
冕榮專賜善人洵國寶盜賊早遠避典禮在穀烝講求務

明備訓子敬事君請老成厥志祝史無愧辭家事先克治
竭情更無私論古懷隨季

子產

鄭僑相小國數世賴以安農功喻爲政終始實仔肩忠勤
務獎勸泰侈常棄捐天人辨遠邇一語破疑難以善代不
善非子產孰賢善哉輿人誦德怨披心肝壞垣更諷喻辭
命操其權象齒畏焚身寓書謀畫殫卒感范宣子輕幣苛
求蠲擇能任以事令問四鄰宣懼烈喻水火要術猛濟寬
仲尼爲出涕遺愛誠昭然

晏子

忠信立國基晏嬰曾進諫一言省繁刑聽采及謠諺舊宅
承先人近市識履賤爲政本諸仁民情大可見狐裘三十

平清風邦之彥納邑聆忠言受賞辭邯鄲是時陳氏昌厚
施公量變日夕市私恩煥休遐邇徧營邱已屯遭齊景尚
荒宴賴有老成人讜論抒無倦褻除祇取誣爽鳩亦奚羨
聞善不能從無乃規爲瑱

子家羈

魯昭政不明童心一言定強臣久擅權讒人暗啟釁公族
子家羈忠正國之備明達審機謀讜言罔見聽羣小競昏
愀惻然卽篤信日入慝將興終成一朝忿野井求諸人胡
不早如晉惡定而好亡儉邪握其柄宛轉辱乾侯雙琥暫
受命平子何詐諉言甘欲從政已非貌而出無勞頻致訊
傷哉志不伸忠良空飲恨

三月十二日曉發半壁店數里許聞前途有虎卽追

躡之至南上落村虎跳入村院遺諸達明喜富英
阿登牆發火器殪之詩以紀事

廣陌何來虎凌晨下遠巒躍身入村院闔戶落心肝猛士
雙登壁神鎗疊擲九技精連命中殪此未云難

癸酉九月十五日於養心殿殿門外用烏鎗連斃逆
匪二名十月十二日

上命承恩公和世泰宣旨賜名威烈鎗敬佩殊恩恭成長
律

不數當時突火鎗熙朝武備製尤良發機連斃踰垣盜飛
彈雙殲能語狼威烈嘉名恩肇錫斗星妙用習毋忘戢兵
肄武俱家法合以皋比珍重藏

謹案嘉慶癸酉秋京南宋家莊民林清爲亂內閣引
入禁中時仁宗方謁陵宣宗以皇子讀書上書

房開變命侍者以烏鎗入賊逾垣窺大內宣宗立
養心殿階下發鎗斃其二諸王大臣皆入逐捕事乃
定仁宗敕獎功在社稷封智勇
親王別有紀恩詩其同時所作也
勵志詩

主敬

聖學之原基於方寸敬乃德基先民有訓相在爾室曰明
曰旦翼翼小心毋怠毋玩衣冠必正動作毋慢操存省察
主一應萬造次於是齋莊無遠集木臨淵是則是憲

存誠

物與无妄天地之心不誠無物奈何不欽誠無不動惟天
棐忱可孚豚魚可貫石金戒懼慎獨毋愧影衾鐘鼓聞外
鶴和在陰勿任智術勿恃阻深純一不已理包古今

勤學

飽食終日宴安自居迭遷寒暑迅若隙駒胡不志學以立
身軀氣志奮發私欲滌除精研五典愛惜三餘優游涵泳
漸積工夫寸陰是競勿憚勤劬日就月將斯聖之徒

改過

人誰無過患不自知知而弗改是謂自欺告我以過是我
良師小人文過以逞偏私縱欲成性貽害無涯日月之食
於明何虧從繩則正增美釋回不遠無悔念茲在茲

夢侍

孤身苦次愴孤情怳怳懔懔暗短檠彷彿趨庭來塞苑分
明宴坐近前楹初瞻不辨今同昔欲語翻然慟又驚哀莫
哀千夢中侍風傳寒漏正三更

至聖廟古柏歌

夫子堂前柏樹古蒼龍天矯丹鳳舞我來展拜仲春時靈
根翠黛心摩撫千年益壽異天封四時嘉蔭超新甫喬柯
偃覆春復秋霜皮磊落風還雨晡霽煙雲襯鼎彝踰歷星
霜儕石鼓青青不改有神功滋榮得所謝斤斧分行屹屹
樹豐碑景仰宣聖鴻文垂萬世師表

祖題額孝弟忠信人倫基昔年釋奠曾奉命令則講學禮
攸宜爲人臣暨爲人子曲衷不遂空愴之廩承大位日兢
惕一勤蒞政心孜孜羨爾棟梁之材堪予輔堅貞秀拔起
遐思朕在藩邸時屢奉皇考命行釋奠禮今則躬親視
學觀清蔭而如新念風光而忽異惟有勤政任賢仰
承彝訓撫茲棟梁之質益增堂構之恩矣

癸未仲秋七日幸萬壽山玉瀾堂錫宴十五老臣賡

歌圖繪以彰盛事

天高氣爽屆白藏西風颯颯八月涼湖光山色秋正好玉

瀾堂上芳筵張踰濟濟欣際會咸逾古稀咸康強親親

誼篤予之伯爲國屏藩輝天潢和碩儀親王屢膺廟略成偉績

宣威重鎮知鷹揚御前大臣昔贊綸扉承

考澤立朝正色端巖廊大學士絲綸佐朕彌恭謹抒忠獻

替資劬勩大學士軍機大臣曹振鏞河防宣力內襄政年開八秩壽而

臧大學士元封疆重寄廉兼幹平成奏績慶河黃協辦大學士兩江總

督戴均元豈獨文章禁省冠一德密勿惟幾康戶部尚書軍朝

端大壽今居首靖共匪懈承餘慶禮部尚書宣猷昔日知

耿介善善惡惡刻無違工部尚書勤勞三省心益壯不彫

松柏歲方長理藩院尚書富俊中外宣勤歷年所不偏不倚柔兼

剛左都御史松筠偉哉藩王抒忱悃三朝宿衛恩榮光郡王銜都統哈達爾

奮戈疆場知勇冠精勤調習天閑驤都統阿山右滇南昔

受命今日懸車優禮彰致仕大學士伯麟久歷戎行志敵愾裹創

血戰殲機槍致仕都統穆克登布予今圖繪有深意意在才偶標朝

綱矧逢大耋欣罕覯皤然在列欽

先皇

先皇蓋臣遺小子弼成政治恩德洋御園錫予歌紀盛天

壽平格福穰穰

謹案康熙癸巳宴年老臣民壬寅再舉始名千叟宴乾隆乙巳嘉慶丙辰又復踵行宴必有詩其專宴老臣者乾隆辛巳辛卯宴香山及此年宴玉瀾堂香山兩宴文武及致仕者各為班班各九人為繪圖者辛巳則瑞華道人辛卯則艾啟蒙高宗皆有詩此宴亦繪圖蓋循香山例也儀慎親王時年七十九特為設高座則前此所未有云

戊子六月初七日揚威將軍大學士威勇公長齡至

邊也屑巒疊嶂為興京迤西門戶薩爾嶺之戰明兵四路
雲集太祖率貝勒大臣等統兵禦之大貝勒代善先往
撫順迎敵過札喀關集兵以待太宗以祀事後至謂大
貝勒曰我築城夫役在界藩山上宜急進以安夫役心且
可併力合攻即率兵趨太蘭岡出奇制勝一舉奏功遂開
鴻業皇祖過三關得句有云過關躬戰薩爾嶺一舉殲
明廿萬兵即謂此也

昭陵石馬歌恭依

皇考元韻

巍巍蕩蕩皇猷昌松山杏山山之陽大小白羞照夜白眞
龍種豈老驕驕鋒稜瘦骨帝控馭馬羣一空誰留良殲破
明兵十三萬嘶風掣電雲飛揚漫分百里五十里六日馳
驟同超驤陵前立仗石馬曰大白小白蓋太宗體豐鎧重乘小白日
行百乘大白行五十里松山之戰明總督洪承疇集兵
十三萬援錦州太宗聞之親統六師往討適患鼻疽諸
王貝勒請徐行太宗諭曰行軍制勝利在神速恐敵人
聞朕親至將潛遁若不逃破之如縱犬逐獸易於拾取乃

書夜疾馳六日而抵松
山掩擊窮追所向克捷洪承疇擒錦州取天命攸歸天應

彰駿尾蕭梢意雄壯想見血汗河橋傍
大軍圍錦州城一

窮又聞洪承疇被擒大懼乞降是馬實效馳驅於陵園列

像俾曲肖蘭筋詎可歸埋藏英氣如生屹然立匠石雖斲

神不傷迄今作歌述偉績驟躍驚矯無相忘乘此星精經

百戰搖珂嚙勒功開疆欲去徐行還緩轡追思祖烈弗敢

覆我
太宗睿謀戡亂順撫逆誅皆於馬上得之本日謁

人雖幸際昇平武備其敢稍弛耶
宣宗奉皇太后幸盛京謁

謹案道光已丑八月二十四篇於集外別行入山海關

登瀛海樓循高宗
仁宗舊軌與侍臣聯句仿歐

陽修聚星堂詠雪體凡字畫涉水部者禁不川與聯

句者曹振鏞穆彰阿祁

恭儉又案道光朝內憂外患方始萌芽
宣廟駁之以

恭儉福建荔支揚州玉器舊皆上供悉命停罷各省

例貢方物亦予裁損憂勤惕厲三十年如一日幾暇
賦詩聿循成憲嘗製九九消寒圖舉亭前垂柳珍重
待春風九字字皆九筆雙鉤成幅命內直諸臣按日
填廓並注陰晴風雪皆以空白成字歲歲相沿亦承
平故事也

文宗顯皇帝

宣宗成皇帝第四子在位十一年建元咸豐葬定陵有御

製詩集

九日紫碧山房用杜甫詩韻得二律

樓高始覺太虛寬無限詩情結古歡此日登臨供點筆何
人酩酊倩扶冠千峰聳翠澄秋宇一雁遙空送早寒處處
茅檐眞樂意幽風圖畫坐中看

雅集山莊禮數寬驚人老句寄遙歡憑將往代忠兼諷好
勵今時衣與冠玉嶺鴉翻餘落日紙窗蟲齧透輕寒歸橈

沿路撚芳便籬菊高低鏡裏看

題同道堂

戊申賜額福園居此日瞻楣猶故予何意獨蒙天眷渥書
名定位溯恩初

謹案庚辛之役 文宗河陽出狩遽憫丹成憑展末
命出同道堂印授 兩宮皇太后樞密擬進詔敕以
此鈴之今繹此詩蓋堂在圓明園 宣宗賜題禁扁
爲昔時潛邸所居出授此印既寄蒼梧之悲亦憾柏
梁之燼其
意深矣

和白香山同李十一醉憶元九詩步原韻得二絕句
試陟浮圖慰旅愁相親心跡錯觥籌更因思客頻登眺春
雨路逾南鄭州

曲江春日不勝愁西望嚴城報曉籌千里神交白傅句岷
山蒼翠古時州

謹案文宗詩集中附詞二篇一爲如夢令詠晚晴
放舟云陣雨輕雷送爽澄霽御湖飛槳萬頃碧琉璃
迤邐西峰青幌晴朗晴朗東望彩虹千丈一爲浪淘
沙賦郊外卽景云古剎語風鈴緩度丁丁有聲一段
畫中情自是村居眞樂趣低小茅亭山鳥自呼名韶
景堪憑晴雲千朵麗空明記得往時頻策馬路近春
城列朝御集惟聖祖四集中兼
及倚聲茲爲繼武謹附記於此

穆宗毅皇帝

文宗顯皇帝子建元同治在位十三年葬惠陵

讀縱囚論

國家有常典執法嘗持平好生原盛德豈容民倖生唐宗
昔縱囚一時博美名放遣約自歸及期果如盟匪直信義
孚感格由至誠市恩以馭法紀綱自此輕卽云出惻隱茲
舉難再行緬懷三代上王道本人情

雨後望西山

雨餘天宇清心目豁開朗西山掃浮嵐佳氣朝來爽螺鬢
如仁沐遠望出塵埃萬重濃翠滴草樹喜新長煙巒遙湧
空樓檻倚高敞泉流石上懸鐘聲雲外響坐卧一窗間秀
色娛俯仰天然列畫屏丹青意難仿不厭卷簾看何時攜
筇往日斜猶徘徊吟詩寄欣賞

題秋山平遠圖

好山無定姿最喜秋林晚雲峰似几平眺望一何遠邈哉
郭河陽妙筆凌北苑玉堂留畫幃曠若陟層巘正如湖海
士物外得嘉遯又如蘊藉人含意獨深穩爲吟畫中山秋
入新詩本遙知石橋邊有人方策蹇

元旦試筆

春韶試筆紀元正玉燭時調淑氣迎北斗回杓看瑞象東

風入律譜和聲蒼穹澤沛占豐稔紫塞兵銷喜肅清長侍
慈闈依愛日歲朝先進萬年觥

暮春卽景

郊西輦路淨無塵百五韶光次第新送暝雲山眞綺麗得
時花草亦精神正當芳甸巡行日尙憶蘭亭禊飲人豈爲
物華供玩賞陽和布令樂同民

南苑閱武

風勁霜高萬馬驤特臨南苑飭戎行八方無事邊烽靜七
萃如雲士氣揚豈是勞軍來細柳敢云縱獵效長楊防秋
略寓軀劉意家法欽承戒怠荒

謹案穆宗英明仁武推心委任將相削平大難宏
啟中興仰承祖宗家法憂國勤民倦倦見於歌詠
元旦試筆暮春卽事南苑閱武三詩皆甲戌歲作光
明俊偉氣象崢嶸不圖是歲遽有鼎湖之慟大勳未

集景命不融國家自此多
故天寶爲之謂之何哉

德宗景皇帝醇賢親王長子入嗣

文宗顯皇帝建元光緒在位三十四年葬崇陵

秋意

一夕瀟瀟雨非秋卻似秋涼風猶未動暑氣已全收桐葉
碧將墮荷花紅尙稠西郊金德王武備及時修

昆明池習水戰

水戰原非陸戰同昆明緬想漢時功誰知萬里滇池遠卻
在堂階咫尺中

再詠昆明池習水戰

有道惟聞守四夷籌邊端合駐雄師昆明池水無多地安
用區區習戰爲

秋聲

炎暑時蒸鬱西風始一開恍疑天地闢空處有聲來

指佞草

盛世臣無佞明時草有神不知虞陛上卻欲指何人

廣陵濤

枚筆太縱橫驚濤紙上生天風吹倒卷萬里海波平

馬射

修文兼肄武暇日習乘驄騎射承家法無忘馬上功

擬秋風辭

秋風起兮草木黃燕子歸兮雁南翔芙蓉落兮桂子芳懷
古人兮不能忘橫汾之歌何壯哉俯仰千古眞雄材寶鼎
出兮祠后土性好奇兮志用武嗟太荒兮安足數五穀熟

日知錄卷之三
一
兮衣裳完秋風秋風兮毋使吾民飢且寒

千里馬

天馬大宛來驍騰道路開鸞旗屬車裏惜爾軼羣材

漢武帝

富庶承文景雄才奮武皇石文興學校威遠服氏羌可惜
居明盛無能戒怠荒仙蹤虛海上戰骨暴沙場倭喜江充
用忠難汲黯匡窮奢財用匱雖悔亦何償

宋神宗

神宗本是英明主安石原非側媚臣可惜有才偏執拗終
教新法病斯民

賞菊

金英爛漫繞朱欄佳色清香秀可餐不看菊花看稼穡我

知民事甚艱難

崇雅殿觀射

侍輦來西苑清和景物新
蛙鳴青草岸燕舞綠楊津
破的星騰彩彎弓月滿輪
羽林親校藝應有虎熊臣

紫光閣卽事

萬騎出明光旌旗煥烏章
飛橋虹飲水高閣鳳鳴陽
春日朝正會秋風校射場
雲臺圖象在鼙鼓不能忘

西苑觀稼

欲識艱難業西園偶一臨
上林宜稼地

列聖重農心麥隴風初暝
秧疇水未深游觀余不事
切望沛甘霖

畫舫齋

非舫偏名舫蕭然樹石佳何須添畫壁卽此是書齋柳密
風生座荷新水浸階湖山都入勝魚鳥共忘懷不覺開詩
境因之源道涯棟梁予有待舟楫汝惟諧豈羨雙飛鷁猶
嫌兩部蛙浮家千百輩民瘼念江淮

長春書屋恭和

高宗御題詩韻

數笏立當戶蒼然古色幽琴書能養性雲水快迎眸懔懔
承

先訓孜孜勉自修斜陽照林杪小坐且句留

恭和

高宗癸未春日御題詩

讀書在窮理心境自虛明專志妨馳驚居高戒滿盈仰惟

先祖訓敬繹聖人情綺句都刪盡靈臺似水清

謹案 崇陵沖年踐阼典學精勤歲乙酉 上方十
五齡毓慶宮日課詩文近有流出人間者書作經生
體工整端嚴謹銓詩十八章以徵 聖學後三年歲
戊子順天鄉試以楊柳讀書堂命題 上有擬作云
繞屋皆楊柳中藏萬卷書陰宜圍四匝讀豈待三餘
綠意侵細帙涼痕透綺疏捲簾絲鞞處撲視絮飛初
金石聲常出樓臺畫不如恍移陶令宅來傍鄴侯居
芸館香恆滿蕉窗影共虛長春喬木古念典重蒨翁
一時傳誦士林錄存巾箱中戊戌以還養疾瀛臺堯
腊舜跖不廢吟詠而流傳絕 彭橋山雲杳遺弓之攀
仰何從武庫霜飛御集之編 摩有待瞻承天翰寧涕書之

晚晴移詩匯卷三終